



Publicaziuns dalla vischnaunca, jamna 44

Cussegl da vischnaunca

Il cussegl da vischnaunca seraduna *venderdis, ils 8 da november 2013* allas 20.15 en casa communal.

Tractandas:

1. Protocol nr. 6-2013/2016
2. Interpellaziun concernent l'iniziativa, Franz Weber, secundas habitaziuns: Risposta (interpellaziun nr. 1-2013/2016)
3. Preventiv 2014 (messadi nr. 7-2013/2016)
4. Program d'activad 2013-2016 (messadi nr. 6-2013/2016)
5. Plan da finanzas 2015–2019 (messadi nr. 7-2013/2016)
6. Ura da damondas (conform ad art. 44 dil regulativ da fatschentas)

Datum da reserva: Mardis, ils 12-11-2013 allas 20.15 en casa communal.

Il president dil cussegl da vischnaunca

Scaldaments mobils el liber

bulius da scaldar, radiaturs, radiaturs d'infratgietschen e.a.v

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'emissiun CO₂ sto vegnir cumpensada en Svizra.
 2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
 3. La cumpensaziun dall'emissiun da CO₂ succeda entras il gestiunari ni entras la vischnaunca.
 4. Sch'ils gestiunaris cumpenseschan sez l'emissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p. ex. myclimate). Per apparats da scaldar electricics po l'obligaziun da cumpensar l'emissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricidad ch'ei vegnida producida cun energias regenerablas.
 5. Sch'ils gestiunaris cumpenseschan buca sez l'emissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.
 6. Las vischnauncas impundan igl entir recav dalla vendita da vignettas per cumpensar l'emissiun da CO₂.
- Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).



8. Quell'ordinaziun entra en vigur igl 1. da settember 2011.

Las vignettas san vegnir retratgas tier l'administraziun communal. Per ulteriur sclariment stat igl uffeci da baghegiar (Ervin Maissen, tel. 081 920 36 46) a disposiziun.

Suprastonza communal Disentis/Mustér

Fiera da sogn Martin

Gliendisdis, ils 11 da november 2013 ha liug l'usitada fiera da sogn Martin. Ils stans vegnan endrizzai sin la Via Lucmagn e parzialmein sin la Via da Scola e la Via Cons.

Las preparativas entras la vischnaunca entscheivan quei di allas 5.00 e la fiera ha liug naven dallas 7.30 entochen allas 18.00. Silsunter settracta ei da far uorden, quei che cuoza entochen ca. allas 19.30.

Per evitar incaps, supplichein nus las fatschentas el contuorn dils stans da fiera, da ton sco pusseivel buca schar vegnir quei di autos cun pli grondas furniziuns.

Per la capientscha engraziein nus grondamein.

Uffeci da baghegiar Disentis/Mustér

Controlla da habitonts

Naschientscha

Zelal Evin Ayhan, naschida ils 21 d'october 2013, feglia da Zeliha e Mustafa Ayhan-Soydan.

Mortoris

Anterur avat Pankraz Winiker, naschius ils 16-12- 1925, morts ils 25-10-2013.

Maria Gadola-Dedual, naschida ils 10-9-1921, morta ils 27-10-2013.

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Per quei s'adressein nus a Vus cun ina ferventa supplica: *clamei ils pumpiers mo sur il clom d'urgenza 118*.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Vos pumpiers Sursassiala



Occurrenzas dil Center sursilvan d'agricultura

2. + 9.11.2013 Homöopathische Hausapotheke cun Praxis Midada
7.11.2013 Di dil latg da pausa ellas scolas sursilvanas
6.11.2013 Teater da casperets cun l'uniun da mummas giuvnas
13.11.2013 Kuhsignale verstehen cun Mario Bühler
21. + 22.11. 2013 Decoraziuns da Nadal cun Cornelia Berther
30.11.2013 Di dallas portas aviartas ella Destillaria Candinas a Surrein
4.1.2014 3. Surselva Classic
12.2.2014 Otti Flepp e Filippo Genucchi al Yukon Arctic Ultra 2013
24.2.2014 Chinesische Blumentee-Party mit dem Verein Broccoli

Informaziuns detagliadas anfleis Vus sut www.agricultura.ch ni tel. 081 936 48 00.

Nus fagein ad ina e scadin in cordial beinvegni!

Center sursilvan d'agricultura Cuors da far tschupials d'advent/Adventskranz Kurs

Nus fagein tschupials per il temps d'advent.
Wir stecken oder binden Kränze für die Adventszeit.

Ils 21 ni ils 22 da november 2013

Il cuors ha liug el Center sursilvan d'agricultura, Via Lucmagn 31 a Disentis/Mustér dallas 19.45–ca. 21.45.

Annunzias entochen ils *13 da november* pren bugen encunter: Cornelia Berther-Oberholzer, florista, Dieni, tel. 081 949 13 74, 077 491 22 85, baseli.berther@kns.ch.

Cordial beinvegni!

www.agricultura.ch

Radunonza staziun d'anugls

Sonda, ils 2 da november 2013 allas 20.15 ell'ustria «Fravia» a Disla. *La suprastonza*

Mummas cun affons pigns Teater da Casperets

*Prenzi Teo e sia sora la prinzessa Jasmin
Mesjamna, ils 6 da november 2013 allas 15.00.*

Vus essas tuts cordialmein envidai a nies teater da casperets che ha liug el Center d'agricultura Disentis/Mustér. Silsuenter surpresa pils affons e stiva da caffè.

Nus selegrein sin Vossa viseta.

Mummas cun affons pigns Mustér



**Biblioteca populara Disentis/Mustér e contuorn
Notg da raquents 2013**

Invit tier ina sentupada cun *Pia Solèr e Leo Tuor*

Nos hosps legian ord lur cudischs e raquentan enconuschent e nunenconuschent dalla veta sin l'alp.

Venderdis, ils 8 da november 2013 allas 20.00 ella Biblioteca populara Disentis/Mustér e contuorn. Suenter referat offerin nus in pign aperitiv.

Nus selegrein sin Vossa viseta

Biblioteca populara Disentis/Mustér e contuorn

Secziun da catschadurs Péz Alpetta, Mustér

La secziun da catschadurs Péz Alpetta Mustér envida cordialmein alla messa da sogn Hubertus son- da, ils 9 da november allas 17.00 en baselgia Sogn Gions. La messa vegn embellida musicalmein cun producziuns diis sunacorns Badus da Tujetsch. Silsunter ein in e scadin cordialmein envidai ad in aperitiv ella halla Cons, la quala vegn ad esser ornada cun las troffees sittadas uonn. Per ils com- members dalla secziun Péz Alpetta ha lu suenter liug ella medema localitad l'usitada sera familiara.

Uniun samaritana Mustér

Nies proxim exercezi meinsil ha liug *gliendisdis, ils 11 da november 2013 allas 19.30 en casa da sco- la, Cons.*

A stedia participaziun envida

la presidenta